Bulteno de la

Londona Esperanto-Klubo

2017 januarofebruaro

Feliĉan Novan Jaron al ĉiuj kļubanoj kaj amikoj!

Kluba Programo:

januaro:

- 6 Neniu kunveno
- 13 Novjara Festo (Dioramo)
- 20 Literatura Vespero (Ibis)
- 27 John Wells *Lingva Seminario* (Dioramo) (1800h: konsilantaro)

februaro:

- 3 Literatura Vespero (Ibis)
- 10 Terry Page El la Maniko de nia Librobretaro (Dioramo) (1800h: konsilantaro)
- 17 Krucvortenigmoj (Ibis)
- 24 Renato Corsetti Pioniroj de Esperanto (Dioramo)

marto:

3 Diskut-vespero (aktualaĵoj) (Ibis)

Esperanta Kalendaro:

19-21 majo 2017: Brita kaj Skota Kunkongreso, Edinburgo. http://britakongreso.org. 22-29 julio 2017: Universala Kongreso de Esperanto, Seulo, Sud-Koreio. www.uea.org/kongresoj

Aliaj anoncoj:

Prezentu ĉefprogrameron! Se vi havas taŭgan temon kiu amuzos aŭ informos klubanojn, ne hezitu proponi vin al la program-sekretario.

Bv. sendi informon al la bultenisto antaŭ 17a februaro por mencio en la sekva Kluba Bulteno.



Antoni Grabowski (1857-1921) – instiginto (kun LLZ) de la unua konversacio en Esperanto "Pioniroj de Esperanto" Renato Corsetti 24 februaro

Jam dum sia universitata tempo Antoni Grabowski evoluigis profundan interesiĝon pri literaturo. Li estis membro de la Literatura Slava Societo (Towarzystwo Literacko-Słowianskie) en Vroclavo. Sed Grabowski entuziasmiĝis ne nur pri la polaj lingvo kaj literaturo; iom post iom li lernos 9 fremdajn lingvojn kaj aldone li regos minimume 15 pasive. Antaŭ tiu fono ne mirigas, ke la studento Grabowski interesiĝas ankaŭ pri la ideo de lingvo internacia. En la jaro 1887 li aĉetis kaj trastudis la freŝe aperintan libreton "Dr-o Esperanto. Internacia Lingvo. Antaŭparolo kaj plena lernolibro", en kiu L. L. Zamenhof prezentas sian lingvoprojekton, kiu baldaŭ konatiĝos sub la nomo "Esperanto". Forte impresita de ties travidebla strukturo kaj surprize rapide akirebla esprimkapablo li vojaĝis al Varsovio kaj vizitis Zamenhof-on; en tiu tago okazis inter ili la unua buŝa dialogo en Esperanto.


(adapto el Vikipedio)

La prelego tamen pritraktos ne nur la pionirojn sed ankaŭ la malpionirojn, alivorte homojn kun mala interna ideo rilate al Esperanto. Temas pri malpioniraj ideoj dum la komenco de Esperanto kaj nuntempe. Krome ĉar ni ĉiuj estas iusence malpioniroj de Esperanto, indas ankaŭ kompari nin kun la tiamaj pioniroj por vidi kiel ni ŝanĝiĝis.

Loko, horaro kaj aliaj informoj

Ni kunvenas vendredvespere, en iu el du lokoj: Diorama Arts Studios, 201 Drummond Street, NW1 3FE (por kunveno kun programo); Hotel Ibis, 3 Cardington Street, NW1 2LW (por babilvespero)

Kutima programo ĉe Dioramo:
18:00 malfermiĝo kaj bonvenigoj
19:15 - 20:15 prelego aŭ alia ĉefprogramero
20:15 - 20:45 paŭzo
20:45 - 22:00 forumo, diskuto aŭ daŭrigo de la ĉefprogramero
22:00 fino



Loko:

Metrostacio: Euston, Warren St (Victoria linio)

Euston Square (Circle linio)

Fervojo London Overground: Euston

Busoj: 10, 14, 18, 24, 27, 29, 30, 73, 88, 134, 205, 390; krome: 453, *C*2 (Dioramo); 59, 68, 91, 168,

253, 476 (Ibis).

<u>Kotizoj</u>: £10 jare; fora membro: £6 jare.

Kluba retejo:

http://www.esperanto.org.uk/lek/lek.htm

Lokaj grupoj: Kingston: Roy Cliffe 020-8397 5895; Orientlondono: Roy Simmons 01473-461346 rokeby@globalnet.co.uk; Sudlondono: Gregory Porilo 020-8672 8095 esperanto-sleg@tiscali.co.uk. Federacioj: Orienta: Roy Simmons (vidu supre); Sudorienta: Kevin Murray, 11 Leybourne Ave, West Byfleet, Surrey KT14 7HB 01932-345779 yarrump@gmail.com.

Letero de nia Prezidanto

Karaj Klubanoj:

La jaro 2016 estis bona por La Londona Esperanto-Klubo. Viglaj estis ties kunvenoj, ĉe kaj Diorama kaj Ibis. La iom lastatempa Komuna Manĝo en la Civito ankaŭ sukcesis.

LEKanoj progresis parole,

lernis ludojn, aŭskultis diverstemajn prelegojn kaj bonvenigis gastojn el multaj landoj.

Pri tiu lasta afero, mi diru parenteze, ke mi mem amuze eraris pri la origino de vizitanta amparo da samideanoj al la Hotelo. Mi ial tuj sed malprave certis, ke la du junuloj estis iaj ĝermanoj (pro ĉe mi perceptitaj manieroj je gestado, vestado ktp); kvankam ili ambaŭ estis tute britaj! Jen la eterne surprizebla vivo en Esperantujo. Mi do plie kaj plue akrigu miajn antenojn.

Ree al 2016, mi rakontu iom pli, pri la vesperoj ĉe Ibis. Multe pli da homoj ĉeestis tra la jaro, ol iuj atendis. Cetere, okazis ne nur babilado, sed literaturaj diskutoj, voĉlegoj de teatraj kaj poeziaj verkoj, gramatikaj ekzercoj kaj eĉ instruado al komencantoj. Kaj en Diorama, oni ĝuis buntajn kaj informplenajn prezentojn, pri multege da aferoj. Je la Zamenhofa Vespero, eĉ prezentiĝis teatraĵo!

Amikecoj kaj plumamikecoj komenciĝis, danke al LEK-renkontiĝoj; novaj personaj interesoj kaj hobioj same leviĝis; artikoloj kaj verkoj naskiĝis. La individuaj niveloj de praktikado je Esperanto plialtiĝis; lernantoj gajnis atestilojn post ekzamenoj; novaj vizaĝoj membriĝis kaj konstante partoprenis semajnon post semajno.

Post tiom da bono en 2016, ni ĝuste tial eniru 2017 kun granda espero kaj eĉ pli granda memfido!

Feliĉan Novjaron,

David Thornell

Nia Novjara Festo ...

... okazos en la 13a de januaro. Oni dume babilos, konkursos, manĝos, trinkos, kaj LEKano devos pagi por tio – neniom ajn! (Se tio ĝenus vian konsciencon, vi tamen povus surloke iom donaci al la kluba kaso). Por ke la provizo de konsumaĵoj ĝuste sufiĉu, sed ne estu troa, bonvolu informi al anica@btinternet.com se ŝajnas al vi, ke via intenco ĉeesti (aŭ ne ĉeesti!) ial suprizos la organizantojn.

Funkciuloj: Honora Prezidanto: Marjorie Boulton; Honora Vicprezidanto: Heleno Fantom;

Konsilantaro: David Thornell (Prezidanto kaj Sekretario), Terry Page (Vicprezidanto), John Wells (Vicprezidanto), Arturo Prent (Kasisto), Anica Page (Registristo), Renato Corsetti, Roland England, Stan Keable, Anna Lowenstein, Antony Rawlinson (Bultenisto).

<u>Adresoj: David Thornell:</u> lek.sekretario@gmail.com; <u>Arturo Prent:</u> 7 Walton Garden, Hutton, Brentwood CM13 1EJ ap_esp-lek21@yahoo.co.uk, <u>Terry kaj Anica Page</u>:7 Hampton, Gt Holm, Milton Keynes MK8 9EP terry_page@btinternet.com, anica_page@btinternet.com, <u>Antony Rawlinson</u>: 5 Thorpe Crescent E17 5BY acj.rawlinson@ntlworld.com.

